

Na osnovu Ugovora o realizaciji subvencionirane linije za privredne subjekte između Općine Konjic i Bosna Bank International d.d. Sarajevo potpisanog 15.10. 2021. objavljuje se:

# JAVNI POZIV

## PRIVREDNIM SUBJEKTIMA SA SJEDIŠTEM NA PODRUČJU OPĆINE KONJIC ZA PODNOŠENJE ZAHTJEVA ZA ODOBRENJE FINANSIRANJA

### 1. PREDMET POZIVA

Predmet poziva je prikupljanje zahtjeva privrednih društava i obrtnika koji posluju na području Općine Konjic za odabir korisnika sredstava finansiranja uz subvencioniranje profitne marže u skladu sa uslovima iz javnog poziva, a u skladu sa Pravilnikom o utrošku budžetskih sredstava namijenjenih subvencioniranju dijela kamatne stope za privredne subjekte sa sjedištem na području općine Konjic broj: 08-24-1-2771/2021 od 02.08.2021. godine, Ponudom BBI broj 032-04-18945/21 od 23.08.2021. godine i Ugovorom o realizaciji subvencionirane linije za privredne subjekte Općine Konjic od 15.10.2021.

### 2. PRAVO UČEŠĆA - KORISNICI LINIJE FINANSIRANJA

Pravo apliciranja za finansiranje imaju privredna društva i obrtnici koji trajno obavljaju zakonom dozvoljene djelatnosti radi ostvarivanja dohotka odnosno dobiti koji:

- imaju sjedište na području Općine Konjic i imaju obavezu predavanja završnog finansijskog obračuna iz kojeg se može utvrditi i dokazati kreditna sposobnost,
- uredno izmiruju svoje zakonom predviđene obaveze,
- aktivno posluju i imaju uposlene radnike,
- posluju likvidno i zadovoljavajućeg su boniteta,
- po osnovu tekuće kreditne zaduženosti, a prema IFRS klasifikaciji u kategoriji S1 ili S2 ukoliko je prihvatljiv za Banku.

Ukoliko se radi o korisnicima finansiranja koji nemaju obavezu predavanja finansijskog izvještaja iz kojih se može utvrditi i dokazati kreditna sposobnost (obveznici paušalnog plaćanja poreza), kao izvor otplate finansiranja kredita mogu biti uključeni i dodatni prihodi po osnovu honorara, rente, naknade za članstvo u NO i po osnovu drugih sličnih prihoda, ukoliko se može dokazati njihova postojanost za sve vrijeme trajanja plasmana.

#### Sredstva se neće odobravati za projekte iz sljedećih oblasti:

- Proizvodnja duhanskih proizvoda i alkoholnih pića,
- Otvaranje kasina,
- Organizovanje drugih igara na sreću,
- Druge djelatnosti koje nisu prihvatljive za Banku.

### 3. NAMJENA SREDSTAVA

Sredstva iz Budžeta se raspoređuju za subvencionisanje dijela profitne marže koja se obračunava na finansiranja privrednih društava i obrtnika koji posluju na području Općine Konjic. Ukupna visina sredstava koja će budžet Općine Konjic izdvojiti za sufinansiranje profitne marže / kamatne stope iznosi: 300.000,00 KM (slovima: tristotinehiljadakonvertibilnih maraka) i odnosi se na ukupan period korištenja i otplate odobrenih finansiranja / kredita.

Sredstva za finansiranja će osigurati Banka u visini do KM 10.950.000,00.

Cilj Ugovora je obezbijediti finansiranja/kreditna sredstva privrednim društvima i obrtnicima za održavanje postojećeg nivoa privrednih aktivnosti, postojeće proizvodnje i održavanje postojećih radnih mjesta, te produktivnije poslovanje, veću iskorištenost kapaciteta, kao i rast privrednih aktivnosti, pokretanje nove proizvodnje i pružanje usluga i novo zapošljavanje i povećanje izvoza.

### 4. INFORMACIJE O ROČNOSTI, NAMJENI, IZNOSIMA I VISINI SUBVENCIJE

Maksimalan iznos odobrenih finansiranja za jedno privredno društvo iznosi 500.000,00 KM, a za obrtnike do 100.000,00 KM. U izuzetnim slučajevima Općina može dati saglasnost na veće iznose finansiranja / kredita.

#### Finansiranja će se odobravati pod sljedećim uslovima:

##### Kratkoročna finansiranja, sa rokom otplate do 12 mjeseci

- Visina profitne marže / kamatne stope .....2%
- Stopa subvencije .....2%
- Subvencionirana profitna marža .....0%
- Visina troškova obrade finansiranja / kredita .....0,15%

##### Dugoročna finansiranja, sa rokom otplate do 48 mjeseci

- Visina profitne marže / kamatne stope na finansiranja .....3%
- Stopa subvencije .....2%
- Subvencionirana profitna marža .....1%
- Visina troškova obrade finansiranja / kredita .....0,15%
- **Grace period – po zahtjevu korisnika i odobrenju BBI do maksimalno 6 mjeseci**

### 5. OBRADA, ODOBRAVANJE I MONITORING

Prijem zahtjeva, proces analize, obrade i odobravanja finansiranja iz sredstava subvencionirane linije vršiće se u skladu sa redovnim procedurama Banke. Ugovorom između Banke i Korisnika finansiranja definisat će se međusobne obaveze i prava ugovornih strana, te način korištenja finansiranja, kao i uslovi za isplatu subvencije. Za sva finansiranja je obavezan monitoring od strane Banke na polugodišnjem nivou.

Korisnik finansiranja ostvaruje pravo na subvenciju ukoliko je namjenski iskoristio sredstva i uredno izmirivao obaveze tokom cijelog perioda finansiranja. Prilikom prvog monitoringa, šest mjeseci nakon odobrenja finansiranja, Korisnik finansiranja će dostaviti Banci sljedeće dokumente kako bi ostvario uslove za subvenciju:

- Izjavu o namjenskom korištenju sredstava finansiranja» u dva primjerka sa svom pratećom dokumentacijom na ime dokaza. Za naredne monitoringe Korisnik finansiranja nije obavezan dostavljati ovu Izjavu ukoliko je u cjelosti opravdao namjenu finansiranja i isplata subvencija će se vršiti ukoliko je Korisnik finansiranja bio uredan u izmirivanju istog.

### 6. POTREBNA DOKUMENTACIJA

#### Potrebna dokumentacija za apliciranje privrednih društava:

- Zahtjev kojim se definiše namjena, iznos i rok otplate finansiranja;
- Rješenje o upisu u sudski registar sa svim izmjenama i dopunama;

- Aktuelni izvod iz sudskog registra ne stariji od 90 dana;
- Statut i odluka o osnivanju preduzeća;
- Uvjerenje o poreskoj registraciji od porezne uprave – ID broj;
- Uvjerenje o registraciji obveznika poreza na dodanu vrijednost – PDV broj
- Obavještenje nadležne Službe za statistiku o razvrstavanju pravnog lica prema KD 2010 djelatnosti;
- Uvjerenja Porezne uprave o izmirenim direktnim porezima i Uprave za indirektno oporezivanje o izmirenim indirektnim porezima ne starija od 30 dana od dana podnošenja zahtjeva za odobrenje finansiranja;
- Kopija lične karte i CIPS-a za lica ovlaštena za zastupanje;
- Izjava o povezanim licima;
- Izjavu u namjenskom korištenju sredstava finansiranja;
- Saglasnost za provjeru Centralnog registra kredita (CRK);
- Izvještaj eksternog revizora (samo za dioničarska društva);
- Poslovni plan, projektovani bilansi i gotovinski tokovi za period otplate finansiranja;
- Program ili projekat, sažetak projekta po osnovu kojeg se podnosi zahtjev za finansiranje;
- Bilans stanja i uspjeha za prethodne dvije godine, te preliminarni finansijski pokazatelji za tekući period;
- Dokumentacija za obezbjeđenje finansiranja i instrumenti obezbjeđenja finansiranja (kolateral) koje određuje Banka, u skladu sa svojom poslovnom politikom i ovisi o bonitetu komitenta; i
- **Po zahtjevu Banke i ostale dokumente u skladu sa internim aktima Banke.**

#### Potrebna dokumentacija za apliciranje fizičkih lica – obrtnika

- Uredno popunjen i ovjeren zahtjev kojim se definiše namjena, iznos i rok otplate finansiranja;
- Dokaz o namjenskom korištenju sredstva finansiranja (predračun, faktura, Ugovor o kupoprodaji);
- Rješenje nadležnog općinskog organa za obavljanje djelatnosti;
- Kopija kartona deponovanih potpisa lica ovlaštenih za zastupanje;
- Specifikacija o utvrđivanju dohotka od samostalne djelatnosti za posljednje dvije godine;
- Uvjerenje o poreskoj i PDV registraciji (ukoliko je djelatnost u obavezi);
- Obavještenje nadležne Službe za statistiku o razvrstavanju obrta prema KD 2010 djelatnosti;
- Fotokopija LK – vlasnika samostalne djelatnosti;
- Fotokopija CIPS potvrde - vlasnika samostalne djelatnosti;
- Izjava o namjenskom korištenju sredstava finansiranja
- Uvjerenja Porezne uprave o izmirenim direktnim porezima i Uprave za indirektno oporezivanje o izmirenim indirektnim porezima (ukoliko je djelatnost u PDV sistemu) ne starija od 30 dana od dana podnošenja zahtjeva za odobrenje finansiranja;
- Odgovarajući dokument koji dokazuje da vlasnik samostalne djelatnosti ima nekretninu u svom vlasništvu (stan, kuća, zemljište, poslovni prostor); odgovarajući dokument koji dokazuje vlasništvo - ZK izvadak, list nepokretnosti, posjedovni list (samo za ona područja u kojima nisu uspostavljene zemljišne knjige) i
- **Po zahtjevu Banke i ostala dokumenta u skladu sa internim aktima Banke.**

#### Potrebna dokumentacija za založno pravo:

Korisnici sredstava obavezni su osigurati određenu/propisanu vrstu kolaterala kao obezbjeđenje finansiranja. Vrsta kolaterala će zavistiti od kreditne sposobnosti Korisnika sredstava, iznosa finansiranja i drugih parametara određenih od strane BBI.

Uobičajene vrste kolaterala koje BBI banka prihvata su:

- Založno pravo na nekretnine;
- Založno pravo na opremu;
- Mjenice firme;
- Lične mjenice vlasnika privrednog društva ili obrta;
- Ugovor o asignaciji;
- Polisa osiguranja vinkulirana u korist BBI;
- **Ostalo u dogovoru sa Bankom**

### 7. ROKOVI

Rok za podnošenje zahtjeva za finansiranje prema uslovima Javnog poziva počinje teći od dana objavljivanja u sredstvima javnog informisanja i traje do utroška odobrenih sredstava subvencije Općine Konjic, s tim da se ugovori sa Korisnicima sredstava zaključuje najkasnije do 30.06.2022. godine.

### 8. MJESTO I NAČIN PODNOŠENJA ZAHTJEVA

Zahtjevi sa potrebnom dokumentacijom podnose se u zatvorenim kovertama na adresu **Bosna Bank International d.d. Sarajevo - Poslovnica Konjic, Maršala Tita br.35**, kao i elektronski na mail adresu [linijaopckonekonjic@bbi.ba](mailto:linijaopckonekonjic@bbi.ba)

### 9. OSTALO

U postupku podnošenja zahtjeva po javnom pozivu BBI ne snosi nikakve troškove učesnicima, te zadržava pravo da u slučaju opravdanosti zahtjeve u potpunosti odbije. Dostavljena dokumentacija se neće vraćati.

### 10. INFORMACIJE

Dotadne informacije prije samog podnošenja zahtjeva i u toku javnog poziva mogu se dobiti pozivom na telefone: **036 712 730; 036 555 712 i 036 555 717** i na mail adresu [linijaopckonekonjic@bbi.ba](mailto:linijaopckonekonjic@bbi.ba)